



1220



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1220 4° (LN 728)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1220 4° (LN 728)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1220 4° (LN 728)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1220 4° (LN 728)

N^o 1220.



1220

DE
NATALI DOⁿⁱ

MINI NOSTRI IESV CHRISTI

carmen elegiacum

scriptum

ad

D. IOHANNEM FRIIS, Regiæ Ma:
supremum Cancellarium,

autore

Petro Iohanne Hegelio.

HAENIÆ,
Apud Ioh: Zimmerman.

1563.

MAGNIFICO AC GENEROSO

DOMINO D. IOHANNI FRIIS

R. M. Cancellario: Domino

ac Mecœnati suo

S. D.

Ne mirum tibi sit, sit oro gratum,
MECOENAS reuerende, lux, decusq;
Nostrum: quod puerile carmen, ipsi
Cantatum puero Deo Deorum
CHRISTO, tam tibi profero legendum
Audacter, qd & haud scio an deceret.
Sed CHRISTO puero pias decebat
Laudes dicere, quas (puto) licebit
Dum tu des veniam, tibi dicare.
Hanc, vir maxime, comproba minutam
Æquo pectore strenulam: tametsi
Longè & longè aliud tuæ, fatemur,
Virtuti, meritisq; debeat.
Vitam viue diu precor beatam,
Vitam viue Deo, tibi, tuisq;
Hoc est, omnib', vt potes, piumq; est:
Tum viues, velut & facis, beatus,
Post victure dies beatiores.

T. Magnifi:
deditis:

Petrus Hegelius,
Ripensis.



1220

DE NATALI DOMINI NOSTRI IESV CHRISTI

CARMEN.

CHRISTE Dei soboles, cœlestis imago parētis,
O prognate Deo de genitore Deus:
O venerande Puer generi iunctissime nostro,
Cui placuit fragili viuere carne, caro.
Fas mihi sit tecum placidis exquirere dictis,
Et tibi, sed de te, teq; fauente loqui.
Quid te sydereo descendere fecit olympo?
Anne hominum causa patris ab arce venis?
Certè hominum causa: quid nostri corporis artus
Induis? anne tuus fecit & illud amor?
Certè amor id fecit, quo nos mitissimus omnes
Æternum saluos tuq; paterq; cupis.
Non quia nos meriti (quid enim nisi tartara lapsis
Reddere debebas) sed quia mitis eras.
Hæc, nobis, arcana tui decreta parentis,
E patrio veniens detegis ipse sinu.
Nanq; vbi primus homo scelerato crimine læsit
Hunc, qui se in vitam condidit ante, Deum.
Iam pater in tantas merito se verterat iras,
Vt sine mors homini sine luenda foret.
Quippe immota Deo stat mens & firma voluntas,
Qua nec ferre malum, nec mala velle potest,
Iustior est, lapsis quàm lic vt parcere posset.
Nulla erat in tanto crimine pœna satis.
Sed (mirum) quæ immensa Dei est sapientia, mixtus
Iustitiæ summæ summus abundat amor.
Parcere non potuit, qui te mediante pepercit,
Ni fieres hominum nomine CHRISTE reus.
Solut vt ingrederis summi penetrabile parentis,
Et patet æterni mens tibi nota Dei.

A ij

Offens

Offensq; vides horrendam numinis iram,
Quæq; sit infando debita pœna malo:
Sic inimicitias solus componere tantas
Tu potes, hinc homini iunctus & inde Deo.
Nanq; salus nullâ fuerat reparabilis arte,
Ni Deus atq; idem sit mediator homo.
Ergo in re nostræ iacuit spes tota salutis,
Tanta erat offensum res habuisse Deum.
Scilicet vt summi soboles se chara parentis
Iratum supplex sisteret ante patrem.
In se transfundens immensæ debita culpæ,
Se reputans tanti criminis esse reum.
Imò graues etiam moriendo vt soluere pœnas,
Vtq; sua mortem vincere morte queat.
Et satis vt toto fieret pro crimine mundi,
Iungitur æterno carnea massa Λογῷ.
Massa quidem teneræ concepta in virginis aluo,
Sed tamen arcanis massa sacrata modis.
Nam sacer irradians casti penetralia ventris
Perfecit sanctum Spiritus intus opus.
Non nostri similis fœtus: sed purus ab illis
Quæis nos infecti labe malisq; sumus.
Cætera sed nobis similis, formamq; animumq;
Et carnem, & pleni munia cuncta viri.
Quando igitur, sic nanq; Patris decreta ferebant,
Post longa exactum secula tempus erat:
Vt noua progenies cœlo descenderet alto,
Quæ foret offenso victima grata Deo.
Non tunc, CHRISTE patris natū de lumine lumen,
Non homo tunc nasci virgine matre fugis.
Ergo nec exhorres paruæ magalia Bethles,
Hic placuit toto vilis in orbe locus.
Ergo tibi præbent rigidas præsepia cunas,
Perstringuntq; tuum stramina multa latus.
Ergo

1220
 Ergo iaces tenui velatus pectora amictu,
 Vix prohibet durum fascia parua gelu.
 Non circum famuli, non circum mille ministræ,
 Hac bos, hac recubans vector asellus erat.
 Iamq; tenella puer vagitibus ora fatigas,
 Iamq; linu genitrix paruula membra fouet.
 Admirans nitido venerandum lumine vultum,
 Augustumq; tuo quod videt ore decus.
 Interea angelici magnum glomerantur in orbem
 Nunc prope conspecti, nunc procul esse, chori.
 Carmine gratantes dulci, pueroq; Deoq;
 Nam puer ille Deus, nam Deus ille puer.
 Et vestras etiam talis vox perculit aures,
 Custodes vigilis, nocte silente, gregis.
 Ite, o pastores, stabula ad confinia Bethles,
 Ite, dabit paruus gaudia magna puer.
 Quærite, nam toti datus ille salutaris orbi
 Paruulus, in cunis, ite, videte, iacet.
 Vnus ait: mox cælo omnes se credere aperto
 Visi, ac æthereas ire redire domos.
 Et longo superante casam discurrere tractu,
 Atq; melos summo fundere dulce Deo.
 Tum I O S E P H E tibi noua res oblata timorem
 Incutit, & tardus lumine somnus abit.
 Ipsa domus claros visa est considere in ignes,
 Hinc atq; hinc rima splendor hiante subit.
 Vix ibi suspensos lentè ad præsepia gressus
 Vrges, vix tecum murmura pauca refers.
 Cernis vt illustri præ maiestate verendus
 Stramineo iacuit paruulus ille toro.
 Quem circum rutilant ceu mille coloribus ignes,
 Vna sed in vario flamma colore fuit.
 Cernis vt attonitæ similis, virguncula mater
 Pulcra, sed hic sese pulchrior illa sedet.

A iii

Fore

Forte bouē, quiq; hunc rudens prope stabat, asellū,
 Iam genubus terra procubuisse vides.
 Luminis utq; noui, sic numinis omnia plena
 Conspicis: illa tui causa stuporis erat.
 Tum I O S E P H E pater, veneranda cubilia propter,
 Flectis adorantem terq; quaterq; pedem.
 Cunctis satis nequeas oculos satiare videndo,
 Simplice tu pueri numina mente colis.
 Ecce sed in stabuli tectum bipatentis, agrestes
 Pastorumq; Deo turba monente, venit.
 Qui mox se asternunt latè cunabula circum,
 Plangentes manibus pectus & ora suis,
 Percussiq; vnīs omnes obtutibus hærent,
 Non cunas digitis fas tetigisse putant.
 Sed proni spectant puerum, spectantq; parentem,
 Hic Deus, & verè est hic Deus, vnus ait.
 Tum senior quidam breuiter sic voce ferebat,
 Et nos quàm, socij, turba beata sumus,
 Et felix nimium Bethlem, tua si bona nôris,
 His felix tota est terra futura bonis.
 Hoc duce soluentur sceleris vestigia nostri,
 Reddet & hic terris aurea secla puer.
 Quis tibi tūc animus, Genitrix, quæ sancta voluptas?
 Quàm tacito carpis gaudia magna linu?
 Quæ populo reddis venienti verba vicissim?
 Quos loqueris tenui murmure Virgo sonos?
 Aut quibus attentas puerum placare susurris,
 Pectora dum refoues pectore parua tuo.
 Parrem aliquam nostras Musæ referatis ad aures,
 Prodere si fas est, si mihi iusta peto.
 Illa quidem placidè vultus demissa pudicos,
 Talibus, aut istis vocibus vsa fuit:
 Salue sancte puer, quem semina ducere cœlo
 Conscia sum, salue tu mihi sancte puer.

Magna

1220
Magna loquor, sed multa meam miracula mentem
Excedunt: Deus est virgine natus homo.
Cernite, diuinis quam blandum spirat ocellis,
Quantaq; sydereo gratia fronte nitet.
Tu maris & cœli qui immensa volumina torques?
Paruule sic tenero lac bibis ore puer?
O tibi quam placidi vultus, quam mitia præfers
In nostra tectus, numina, carne Deus.
Tu rex, sed proprio leuiter vix cognitus orbi,
Pauper & hæc infans in tua regna venis.
Sed minus admiror, diuina oracula vatum
Talía de puero præcinuere Deo.
Hic ille est s I L O H, hic est de virgine s E M E N,
Quod tua comminuet perfide colla Draco.
Et memini, meus Isaias, quàm multa sub auras
De nato in terris E M A N V E L E, canit.
Iamq; videre mihi videor, quæ fata subibis,
Et quas (sed refugit mens meminisse) cruces.
Ah quantum innocui sudabis sanguinis olim,
Vulnera dum sanes vulnere nostra tuo.
Interea quò sancta trahunt, retrahuntq; parentis
Iussa, libens solita simplicitate sequar.
Nam tua sum, mihi quæ fieri vis, omnia fiant,
De me quodq; voles, ecce parata volo.
Cresce puer, cœlumq; homines sperare iubeto,
Mi puer, ô vitæ vita salusq; mea.
Hæc ait, ac imo ducens suspiria corde,
In gremio puerum, blanda, tepente locat.
Assensere omnes: Iosephq; ouiumq; magistri,
Et, qua plena fuit, rustica turba casa.
In faciem proniq; cadunt, puerumq; saluant,
Laus tibi sit puero, vox erat vna, Deo.
Nec minus angelici cessabant æthere cantus,
Alta sed hic dulcis surgit in astra sonus:
Qua

12
Quas tibi, quas tandē Deus optime maxime grates,
Aut nostra, aut hominū reddere turba potestis.
Huius in æternum stabit tibi gloria facti,
O Deus, ô sancto plenus amore pater.
Nunc quia perpetuē coalescunt fœdera pacis,
Et bene vult terris mitis amansq; Deus.
Sic hi carminibus tenues mulcentibus auras,
Læti commemorant iubila læta Deo.
Gaudia testantes cursu, varioq; recurso,
Librabant sese culmina celsa super.
Scilicet humanæ quod sit patefacta salutis
Vera, Dei gnato propitiante, via.

At tu sancte puer, generis spes vnica nostri,
Qui farus, & nobis vis datus esse puer.
Nate Deo, Deus ipse, Deo qui lumine lumen
CHRISTE Deus, radians patris imago, fluis,
Sis bonus & felix animis illabere nostris,
Et facias humiles pondus habere preces.
Per te iusta tui placata sit ira parentis,
Quamlibet, ah nimium, nos rea turba fumus.
Vna salus miseris per te sperare salutem,
Siue ea res vitæ, siue ea mortis erit.
Dira procul nostris absit discordia terris,
Pace nouus placida molliter annus eat.

σὺν θεῷ.

1220.